

130/22

MIRNA

15.08.2022.

Original kod
Alme Kapa!

UGOVOR O JAVNOJ NABAVCI
BROJ OP-15/22
(Radiološka oprema - LOT 3 dijagnostički medicinski monitor)

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, koju zastupa generalni direktor Doc.Dr.Sc Abel Baltić (u daljem tekstu: **Naručilac**)
- i
2. **Medical d.o.o. Mostar**, sa sjedištem u Mostaru, ulica Maršala Tita br. 237, 88000 Mostar, ID broj 4227010880008, kojeg zastupa direktor Jasmin Đonko, (u daljem tekstu: **Isporučilac**).

Ugovorne strane su saglasne u sljedećem:

I Osnova za zaključenje ugovora

Član 1.

Osnov za zaključenje ugovora je Odluka o pokretanju postupka javne nabavke broj 01-03-1834/22 od 4.3.2022.godine, Odluka o izboru ponuđača broj 01-03-1834-10/22 od 15.7.2022. u postupku javne nabavke broj OP 15/22.

Ovim ugovorom ugovorne strane utvrđuju vrstu i količinu robe koju će izvršilac isporučiti naručiocu, međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

II Predmet ugovora

Član 2.

Predmet ugovora je **nabavka i isporuka radiološke opreme za LOT 3 – dijagnostički medicinski monitor**, za potrebe Javne ustanove Dom zdravlja Kantona Sarajevo, bliže specificirana u ponudi Izvršioca, koja je sastavni dio Ugovora.

Predmet ugovora koji se isporučuje mora biti bez ikakvih oštećenja, proizvodnih nedostataka i da zajedno sa pratećom dokumentacijom kao cjelinom, ispunjava postavljene tehničke zahtjeve.

III Ukupna vrijednost ugovora

Član 3.

Ukupna vrijednost ugovora iz člana 2. Ugovora, sa uključenim PDV-om iznosi:

21.060,00 KM

(Slovima: dvadesetjednihiljadaišezdeset KM i 0/100 pf).

Original radica
JAVNA NABAVKA
NA ZAHTJEV
ALME KAPA

IV Obezbjedenje sredstava

Član 4.

Sredstva u iznosu iz člana 3. Ugovora, obezbjedit će Naručilac na osnovu Sporazuma o finansiranju nabavke neophodne opreme u borbi protiv pandemije Covid 19, zaključen sa Ministarstvom zdravstva Kantona Sarajevo.

V Cijena

Član 5.

Za isporučenu robu važe cijene iz tenderske ponude koje se ne mogu mijenjati, a sastavni su dio ovog ugovora.

VI Stupanje na snagu ugovora

Član 6.

Ugovor stupa na snagu danom potpisivanja Izvršioca i traje do isporuke, instalacije i puštanja u rad predmeta nabavke. Ukoliko Izvršilac nije naveo datum potpisa ugovora, rok po ugovoru se računa od dana potpisa Naručioca.

VII Rok i način isporuke

Član 7.

Rok isporuke predmeta Ugovora je najduže u roku do 60 dana od dana zaključenja ugovora.

Izvršilac je dužan da 3 (tri) dana prije predviđene i planirane isporuke predmeta ugovora, o tome obavijesti ovlaštenog predstavnika Naručioca - Koordinator za zaštitu od zračenja, koji određuje dinamiku i mjesto isporuke predmeta Ugovora.

Prilikom isporuke predmeta ugovora Izvršilac je obavezan predati ovjerenu i potpisanu izjavu da predmet ugovora nema nikakvih nedostataka i da je u svemu u skladu sa prihvaćenom ponudom.

Naručilac može na zahtjev Izvršioca produžiti rok isporuke u sljedećim slučajevima:

- Nepogodni vremenski uslovi (snježne padavine, kišne padavine, hladnoće i sl.)
- Usljed više sile/vanredni vanjski događaji ili prirodni događaji kao što su elementarne nepogode i sl.
- Ljudske radnje koje se nisu mogle predvidjeti, izbjeći ili ukloniti
- Mjere predviđene organima nadležnih tijela

Član 8.

Predmetna roba mora biti osigurana od mjesta utovara do mjesta odredišta od nastupanja eventualne štete u transportu za koju odgovornost snosi Izvršilac.

Ako se zapisnički utvrdi da roba koju je Izvršilac dostavio ima nedostatke u kvalitetu i očiglednih grešaka - vidljivi nedostaci, Naručilac odmah, bez odlaganja obavještava Izvršioca da iste otkloni ili zamijeni robom ugovorenih karakteristika u skladu sa tehničkim zahtjevima iz tenderske dokumentacije.

Član 9.

Smatra se da je izvršena adekvatna isporuka kada se u mjestu isporuke izvrši kvantitativan i količinski prijem robe, što se potvrđuje zapisnikom koji potpisuju ovlašteni predstavnik Naručioca - Koordinator za zaštitu od zračenja i ovlašćeno lice Izvršioca.

Zapisnik iz koordinodnog stava i dostavljena faktura Naručiocu, predstavljaju osnov za plaćanje ugovorne cijene.

Član 10.

Izvršilac je dužan nakon instalacije aparata, a uz prisustvo Koordinatora za zaštitu od zračenja, dostaviti uputstvo za upotrebu i izvršiti obuku kadra koji će koristiti aparat.

VIII Garantni rok

Član 11.

Izvršilac je odgovoran za ispravnost predmeta Ugovora u garantnom roku.

Izvršilac odobrava garanciju na predmet ugovora u trajanju od 24 mjeseca, sa svim garantnim pravima.

Garancija počinje teći danom stavljanja predmeta Ugovora u funkciju, do kada je Izvršilac obavezan, uz isporučeni predmet Ugovora dostaviti i uredno ovjeren garantni list.

Prilikom stavljanja predmeta ugovora u funkciju Izvršilac je obavezan educirati uposlene za rad na opremi koja je predmet ugovora.

Član 12.

Izvršilac je obavezan da Naručiocu, najkasnije 15 dana od dana zaključenja ugovora, na ime obezbjeđenja urednog izvršenja obaveza, preda bankovnu garanciju u visini od 3% ugovorene vrijednosti robe, koja je neopoziva, bezuslovna, bez prava na prigovor i naplativa na prvi poziv. Garancija mora da važi u cjelokupnom periodu trajanja ugovora.

Naručioc po isteku ugovora, a na zahtjev Isporučioca može vratiti bankovnu garanciju.

Forma bankovne garancije određena je članom 6. Pravilnika o formi garancije za ozbiljnost ponude i izvršenje ugovora („Službeni glasnik BiH“ broj 90/14).

Pokriće iz bankarske garancije ne oslobađa Isporučioca ugovora odgovornosti sve do namirenja stvarne štete.

Član 13.

U slučaju kašnjenja u isporuci roba, do kojeg je došlo krivicom Izvršioca, isti će platiti ugovornu kaznu u skladu sa Zakonom o obligacionim odnosima u iznosu od 0,5% naručene robe, za svaki dan kašnjenja do urednog ispunjenja računajući od proteka roka nakon od dana dostavljanja narudžbenice, s tim da ukupan iznos ugovorene kazne ne može preći 10% ukupno ugovorene vrijednosti robe koja je predmet narudžbe.

Izvršilac je dužan platiti ugovorenu kaznu u roku od 7 (sedam) dana od dana prijema zahtjeva ugovornog organa, za plaćanje ugovorene kazne.

Član 14.

U slučaju kvara aparata u garantnom roku, Izvršilac je dužan da obezbijedi dolazak ovlaštenog serviseru na lice mjesta, u roku koji ne može biti duži od 48 sati, računajući od dana prijema poziva.

Svi troškovi popravke predmeta Ugovora uz zamjenu dijelova u garantnom roku padaju na teret Izvršioca.

Za svaki dan nefunkcionisanja predmeta Ugovora u garantnom roku, garancija se produžava.

IX Način i uslovi plaćanja

Član 15.

Nakon stupanja na snagu ovog Ugovora, plaćanje predmeta ugovora vršit će se u roku do 30 dana od dana ispostavljene fakture.

X Ostale odredbe

Član 16.

Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti naležan Sud u Sarajevu.

Član 17.

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

Član 18.

Ugovor je sačinjen u četiri primjerka od kojih Naručilac zadržava tri primjerka (SEFP, JN, Koordinator za zaštitu od zračenja) a Izvršilac, jedan primjerak.

ISPORUČILAC
Medical d.o.o. Mostar
Direktor
za
Jasmin Đonko
Br. 466/22
10.08.22

NARUČILAC
Javna ustanova Dom zdravlja
Kanton Sarajevo
Glavni direktor
Dr. sc. Abel Baltić



Odgovorni stručni saradnik
Odjela za javne nabavke
Alma Kapo, dipl.pravnik

Broj: 01-03-1834-15/22
Dana: 1.8.2022. godine